

PROVEDOR DE DIREITOS HUMANOS E JUSTIÇA



RELATÓRIU MONITORIZASAUN ESTADU EMERJÊNCIA

2 Fevereiro – 3 Marsu 2021

KONTEÚDU

KONTEÚDU	2
LISTA AKRONIMU	3
RELATÓRIU MONITORIZASAUN ESTADU EMERJÉNSIA.....	4
PARTE I - SUSESU, DEZAFIU NO REKOMENDASAUN.....	4
A. Susesu.....	4
B. Dezafiu	5
C. Rekomendasaun.....	6
PARTE II – REZUMU REZULTADU MONITORIZASAUN	6
A. Area Monitorizasaun.....	7
B. Distansiamentu Sosial.....	8
C. Uza Máskara	9
D. Fase Liman.....	10
E. Dever Jeral Koperasaun	11
F. Dever especial de cooperação dos responsáveis regionais, municipais e lideranças comunitárias	11
PARTE III – ATIVIDADE PDHJ	12
A. Tratamentu Kesar.....	12
B. Monitorizasaun	13
C. Intervensaun urgente liu husi rekomendasaun espesifika ba entidade sira	13
PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA.....	14
PARTE V - TABELA II. FATIN MONITORIZASAUN.....	18

LISTA AKRONIMU

BNCTL	Banco Nacional de Comércio de Timor-Leste
CIGC	Centro Integrado Gestão de Crise
COVID-19	Corona Virus 2019
DG	Decreto do Governo
EE	Estadu Emerjénsia
EE-1	Estadu Emerjénsia dahuluk
EE-2	Estadu Emerjénsia daruak
EE-3	Estadu Emerjénsia datoluk
EE-4	Estadu Emerjénsia dahaat
EE-5	Estadu Emerjénsia dalima
EE-6	Estadu Emerjénsia daneen
EE-7	Estadu Emerjénsia dahitu
EE-8	Estadu Emerjénsia dawalu
EE-9	Estadu Emerjénsia dasia
EE-10	Estadu Emerjénsiadala sanulu
F-FDTL	FALINTIL-Forças de Defesa de Timor-Leste
MAE	Ministerio da Administração Estatal
MEJD	Ministério da Educação Juventude e Desporto
MI	Ministério do Interior
MOP	Ministerio das Obras Públicas
MS	Ministério da Saúde
MSSI	Ministério da Solidariedade Social e Inclusão
MTC	Ministerio dos Traspustes e Telecomunicação
PA-RAEOA	Prezidente Autoridade Rejiaun Administrativa Espesial Oecusse-Ambeno
PDHJ	Provedor de Direitos Humanos e Justiça
PNTL	Polícia Nacional de Timor-Leste
RAEOA	Rejiaun Administrativa Espesial Oecusse-Ambeno
SAS	Serviços Água e Saneamento
MAPCOMS	Ministério Dos Assuntos Parlamentares E Comunicação Social

RELATÓRIU MONITORIZASAUN ESTADU EMERJÊNSIA

Períodu 2 Feveiru – 3 Marsu 2021

Provedor Direitus Umanus no Justisa (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru podér públiku, bele hareé atu ida-idak la'o tuir lei ka lae, prevene injustisa no hala'o prosesu atu hadi'a injustisa. Órgaun ne'e iha kompeténsia ba defeza no promove direitus umanus, liberdade no garantia fundamental sira-ne'ebé hatur iha artigo 27.º hosi Konstituisaun Repúblika Demokrátika Timor-Leste no Tratadu Internasionál Direitus Umanus ne'ebé mak Timor-Leste ratifika tiha-ona.

Espesifikamente regula iha artigo 7.º no 19.º húi Lei Nú. 3/2008, 22 Feveiru ne'ebé estabese Rejime Estadu Sitiú no Estadu Emerjênsia, iha artigo 7.º no 8.º hosi Lei Nú. 1/2021, 27Janeiru, kona-ba Autorizasaun ba Renovasaun Deklarasaun Estadu Emerjênsia, rekoñese kna'ar no kompeténsia PDHJ nian hodi defende sidadaun sira nian direitu, liberdade no garantia fundamental sira hodi prevene katak sidadaun sira la-hetan ameasa ka violasaun ruma.

Estatutu PDHJ hatur iha Lei Nú. 7/2004, 05 Maiu, artigo 24.º, ne'ebé altera ho Lei Nú. 8/2009, fô kompeténsia ba PDHJ hodi halo fiskalizasaun no rekomendasaun. PDHJ iha kompeténsia hodi supervizona funsionamentu podér públiku sira-nia lalaok, nomeadamente Governu no órgaun públiku relevante, entidade privada-sira ne'ebé mak hala'o funsaun no servisu públiku.

Relatóriu ida-ne'e haree ba Implementasaun medidas no ezelesaun Estadu Emerjênsia ba Dala Sanulu (EE-10) tuir Dekretu Prezidente Repúblika Nú 06/2021, 27 Janeiru no aplikasaun medidas tuir Dekretu Governu Nú 03/2021, 29 Janeiru. Implementasaun EE-10 hahu husi 2 Feveiru to'o3 Marsu 2021.

PARTE I - SUSESU, DEZAFIU NO REKOMENDASAUN

A. Susesu

Iha Estadu Emerjênsia Dala Sanulu (EE-10) PDHJ kontinua nafatin hala'o nia funsaun hodi halo monitorizasaun ba regras EE no medidas prevensaun COVID-19 bazeia ba Dekretu Prezidente Repúblika Nú. 6/2021 no Dekretu Governu Nú. 3/2021. Hodi garante katak entidades relevantes sira nia responsabilidade tuir nafatin prinsípiu direitus umanus no governasaun diak.

PDHJkontinua rekoñese no elojianafatin esforsu tomak ne'ebé maka Governu no Parseiru Dezenvolvimentu Nasional no Internasional sira halo ona atugarante nafatin katak Timor-Leste iha kapasidade atu responde bainhiraCOVID-19hada'et ka espalla iha comunidade nomós hafoin paciente sira rekupera husi COVID-19.PDHJ mós apresia ba medidas Governu nian ne'ebé foti ona hodi konsege evita transmisaun lokal iha Timor-Leste durante tinan ida. PDHJ mos kontinua elojia intervensaun Governu nian bainhira iha previzaun katak iha ona transmisaun lokal iha area sira ne'ebé besik fronteira ho Atambua tanba ema tama no sai fronteira ilegal hodi rejista ona kazu COVID-19 importadu klandestinamente iha Suku Belulik, Fatumean, Covalima iha loron 15 Feveireiru no atusaun Governu nian, alerta 3 ka faze mitigasaun no deside aplika serka sanitária iha munisípiu Covalima tuir Rezolusaun Governu Nú 5/2021, 15 Feveireiru, no iha munisípiu Bobonaro tuir Rezolusaun Governu Nú. 4/2021, 15 Feveireiru atu prevene COVID-19 labele espalla iha postu seluk, nune'e hamate kedas korenti virus COVID-19.

B. Dezañiu

Iha períodu EE-10,PDHJ kontinua hala'o nafatin monitorizasaun iha RAEOA no munisípiu sira hanesan: Baucau, Bobonaro, Dili no Manufahi, munisípiu seluk la konsege halo tanba PDHJ nian rekursu finanseiru ne'ebé restritu ka limitadu.

Maske nune'e PDHJ kontinua observa no haree katak dezañiu boot iha munisípiu sira maka hanesan falta implementasaun ba regras EE no ba medidas prevensaun COVID-19 no promosaun ba sensibilidade komun ida atu kombate hasoru pandemia COVID-19.

Durante EE-10, PDHJ haree katak rezultadu monitorizasaun hatudu konxiénsia komun atu kumpri regras estadu emerjénsia no medidas prevensaun COVID-19 sei kontinua nafatin sai preukupasaun boot hanesan la kumpri regras ba distansiamentu fiziku, la uza maskára no la fase liman iha fatin publiku. Nune'e mos rezultadu observasaun jeral iha fronteira katak ema sei kontinua tama sai ilegal ne'ebé rezulta ona kazu transmisaun lokal iha *Suku Belulik, Munisípiu Covalima*. Aleinde ne'e deskobre mós katak linha koordenasaun entre entidades relevantes sira iha fronteira seidauk másimu hanesan laiha oráriu fiksi husi Diresaun Álfandega ba Ekipa ne'ebé halo dezinfektasaun,hodi nune'ebele hatene bainhira mak sasan ho kareta sira presiza hetan dezinfektasaun.

Dezañiu seluk maka hanesan menus ekipamentus protesaun ba front-line sira iha fronteira. Liu tan ne'e haree ba transmisaun lokal komesa lao ona iha Timor-Leste no número kazu pozitivu kontinua aumenta, maibé kapasidade ba fatin izolamentu limitadu hamutuk 234 de'it, kompostu husi Vera Cruz 57, Lahane 47 no Tasi Tolu 130¹.

¹ Kordenador Pilar 7, dr. Nilton da Silva

C. Rekomendasaun

Haree ba dezafiu sira ne'ebé PDHJ kontinua hetan durante monitorizasaun EE-10, PDHJ konsistênte nafatin rekomena no enkoraja Governu liu-liu Ministériu relevante atu kontinua fahe nafatin informasaun kona-ba medidas prevensaun COVID-19 ba ema hotu inklui iha suku nomós fatin públiku hodi hametin liu tan comunidade sira nia koñesimentu no konxiénsia hodi kumpri regra estadu emergjénsia no medidas prevensaun COVID-19 tuir Dekretu Prezidenti no Dekretu Governu.

PDHJmós rekomena ba Ministérius relevante sira relasiona ho obstaklu ne'ebé mak pesoál front-line sira hasoru bainhira hala'o sira nia knaar hanesan menus rekursu umanus, ekipamentus protesau hanesan roupa protesau (APD), maskára ba pesoál saúde sira iha postu integradu COVID-19 nomós transporte hodi fasilita autoridade seguransa sira hanesan UPF hodi halo patrulla iha área fronteira.

Aleinde ne'e PDHJ rekomena mos ba Ministériu Interior (MI) liu-liu ba instituisaun PNTL atu kontinua servisu hamutuk ho Ministériu Saúde hodi fahe informasaun kona-ba regras EE no medidas prevensaun COVID-19 no halo kontrollu profesional ba kumprimentukomunidade no entidades relevantes hodi kumpri regras EE-10 no medidas prevensaun COVID-19 ho nune'e evita violasaun direitus umanus.


Haree ba transmisaun lokal ne'ebé akontese ona iha comunidade, PDHJ hakarak rekomena ba Governu espesifikamenteba Ministériu relevante atu kontinua halo esforsu másimu no haree didiak medida ne'ebé aplika iha EE-10 nia implementasaun efetivu liutan, liu-liu hametin kumprimentu comunidade ba medidas preventivas COVID-19 hanesan uza maskára, distánsia sosiál, fase liman hodi bele kontrola virus ne'e atu labele alastra ba fatin seluk. Nune'e mós enkoraja nafatin entidades relevantes ka pesoál ne'ebé servisu iha fronteira atu hala'o kontrolu másimu hodi evita ema tama ilegal mai Timor-Leste.

PARTE II – REZUMU REZULTADU MONITORIZASAUN

Durante implementasaun períodu EE-10, PDHJ hala'o monitorizasaun hodi haree kona-ba comunidade sira nia kumprimentu ba implementasaun regras estadu emergjénsia no medidas prevensaun COVID-19 bazeia ba Dekretu Prezidente Repúblika Nú. 06/2021, 27 Janeiru no Dekretu Governu Nú. 03/2021, 29 Janeiru. PDHJ nia monitorizasaun foka liu ba artigu 11⁰ (*regras de distanciamento social*), artigu 18⁰ (*dever geral de cooperação*) no mós ba artigu 19⁰ (*dever especial de cooperação dos responsáveis regionais, municipais e lideranças comunitárias*).

A. Area Monitorizasaun

PDHJ iha implementasaun EE-10 halo monitorizasaun ba regras EE no medidas preventivas tuir Dekretu Prezidente Repúblika Nú. 06/2021, 27 Janeiru no Dekretu Governu Nú. 03/2021, 29 Janeiru. Kompara ho EE-9 no iha EE-10 ne'e PDHJ konsege halo observasaun ba iha fatin hamutuk tolunulu resin ualu (38) de'it hodi haree kona-ba comunidade nia kumprimentu ba medidas preventivas COVID-19² nomós devér espesiál bakoooperaun responsavel rejionais, munisipais nolideransas komunitaria³ sira relasiona ho medidas preventivas COVID-19.



Tuir gráfiku iha leten hatudu katak PDHJ halo monitorizasaun ba iha fatin servisu públiku hamutuk ruanulu resin rua(22), komersiu hamutuk sanulu resin ida(11), via públiku ida hamutuk tolu (3), no transporte públiku hamutuk rua (2). Medidas EE-10 la prevee regra espesífika ba atividade relijiozu, vendedores ambulante nian, serimónia kulturais, eventua desportu, sosial no funeral nian, maibé regras gerais de distanciamento social⁴. PDHJ kontinua tuir nafatin informasaun liu husi media no nota katak maioria serimonia kulturais no relizioju no eventua sira kontinua hala'o, no observa katak comunidade barak maka hala'o atividades hirak ne'e no la kumpri ba medidas preventivas COVID-19 hanesan halo distánsia ho ema seluk, uza maskara no fase liman⁵.

Serimónia kulturál seluk no funeral sei sai nafatin preukupasaun bo'ot tanba maioria comunidade sira la tuir regras medidas preventivas COVID-19 wainhira tuir eventua refere la respeita regras distansiamentu sosial ne'ebé prevee onaiha artigu 11.º Dekretu-Governu nú. 03/2021.

² Artigu 11.º no 18.º DG Nú. 3/2021, 29 Janeiru.


³ Artigu 19.º DG Nú. 3/2021, 29 Janeiru.

⁴ Artigu 11.º DG Nú. 3/2021, 29 Janeiru

⁵ Artigu 11.º no Artigu 18.º DG Nú. 3/2021, 29 Janeiru

B. Distansiamentu Sosial⁶


Iha períodu implementasaun EE-10, PDHJ halo monitorizasaun no observasaun ba iha fatin hanesan komérsiu ka loja sira ne'ebé makahalo distribuísiaun ba Sesta Bázika, iha servisu públiku, transporte públiku no iha via pública sirahodi haree besik liu kona-ba kumprimentu comunidade nian ba medidas preventivas liu-liu mantein distánsia ho ema seluk wainhira iha fatin públiku sira.



Gráfiku refere hatudu katak comunidade ka funsionáriu ein jeral la kumpri hodi mantein distánsia bainhira halo atendimentu ba públiku iha servisu fatin. Hare gráfiku iha leten hatudu katakfatin servisu públikuhamutuk sanulu resin neen (16) la mantein distánsia, maibé iha fatin servisu públiku hamutuk neen (6) makamantein distánsia bainhira halo atendimentu ba públiku. Nune'e mós iha fatin komérsiuhatudu katak fatin komersiu hamutuk sanulu resin ida (11) la mantein distánsia, no via pública ho transporte públiku mos maioria comunidade sira la mantein distánsia.

Lihuahusi rezultadu observasaun kona-ba kumprimentu comunidade hodi halo distánsia ho ema seluk mak PDHJ nota katak comunidade kontinuahalibur malu iha grupu hodi la kumpre distánsia ne'ebé mak prevee ona. Bele konfirma número iha gráfiku tuir mai ne'e:

⁶Artigu 11.º alínea a) DG Nú. 3/2021, 29 Janeiru



Gráfiku 3 hatudu katak iha fatin servisu públiku hamutuk sanulu resin rua (12) la evita halibur malu ka la mantein distánsia sosial bainhira halo atendimentu ba públiku hanesan iha DNTT Baucau, Servisu Administrasaun Públika Baucau, Eskola nomós sede suku balun bainhira halo distribuisaun Sesta Bázika, maske instituisaun rejionais no lideransa komunitariu sira disemina informasaun kona-ba medidas preventivas COVID-19, maibé comunidade barak maka la kumpri regra ba distánsia sosial hodi kontinua halibur malu.


Iha parte seluk, Polísia Tránsitu kontrola no halo diseminaisaun kona-ba medidas preventivas ba pasajeirus Ró Success atu bele kumpre no implementa medida sira ne'e. Nune'e mos,observasaun iha via pública hatudu katak iha estrada RAEOA no Portu IWAO Kitahara Mahata ein jeral pasajeiru transporte público la mantein distansia. Aleinde ne'e mos nota katak via pública hanesan Estrada Nunura no Estrada RAEOA la evita halibur malu iha grupuhodi la respeita distánsia sosial.

Iha fatin komérsiu sira hamutuk sanulu resin ida (11) la respeita distánsia sosial bainhira halo atividade distribuisaun Sesta Bázika, fatin hirak ne'e maka hanesan Sentru Supermerkadu W-Four, Loja Agricultura, Armajen Lita Store, Supermerkadu 8, Daya Marketing no Elder Brouss NN.

C. Uza Máskara⁷

Iha Estadu Emerjénsia-10 ne'e PDHJ kontinua halo monitorizasaun hodi haree comunidade nia kumprimentu kona-ba uza maskára bainhira hala'o atividade iha fatin públiku hanesan hatudu iha gráfiku tuir mai:

⁷ Artigu 11.º alínea b), DG Nú. 3/2021, 29 Janeiru




Gráfiku iha leten demonstra katak iha fatin servisu públiku hamutuk sanulu resin lima(15) la uza maskára bainhira hala'o atividade no iha fatin komersiu hamutuk lima (5) la uza maskára nune'e mos transporte públiku ho via pública comunidade maioria la uza maskára.

D. Fase Liman⁸

Durante EE-10, PDHJ halo monitorizasaun direta ba iha fatin komersiu, servisu públiku, transporte públiku no via pública hodi haree ba comunidade nia obediensia ba medidas preventivas COVID-19, fase liman bainhira iha fatin públiku, uza transporte públiku no halo atendimento ba públiku. Gráfiku 5 tuir mai ne'e amostra katak comunidade ka funsionariu bainhira halo atendimento ba públiku la kumpri fase liman iha fatin servisu públiku hamutuk sanulu resin rua (12) no kumpri fase liman iha fatin servisu públiku hamutuk sanulu (10). Iha fatin komersiu hamutuk hitu (7) la fase liman no hamutuk haat (4) maka fase liman iha fatin komersiu. Detallu iha gráfiku 5.

⁸ Artigu 11.º alínea c), DG Nú. 3/2021, 29 Janeiru



E. Dever Jeral Koperasaun⁹

Durante periodu implementasaun EE-10, PDHJ halo monitorizasaun ba iha fatin komersias sira ne'ebé maka halo distribuisaun ba Sesta Bázika, sede suku iha munisipiu Baucau, Dili, Maliana no Manufahi hodi observa kona-ba regras EE no medidas preventivas COVID-19 iha fatin refere nomos ba entidade sira. Husi observasaun nota katak ein jeral la kumpri medidas preventivas COVID-19 tuir Dekretu Governu bazeia ba artigu kona-ba distansia sosial hodi evita halibur malu iha fatin públiku, uza maskára nomos fase liman.

F. Dever especial de cooperação dos responsáveis regionais, municipais e lideranças comunitárias¹⁰

Tuir observasaun PDHJ ba aplikasaun EE-10 kona-ba dever kooperasaun responsavel rejonais no lideransa komunitáriu liu-liu durante distribuisaun Programa Cesta Bazika iha fatin komersiu nomos sede suku hatudu katak lideransa komunitaria laiha komitmentu atu fahe informasaun kona-ba medidas preventivas COVID-19 molok hahu distribuisaun tuir artigu ne'ebé hatur iha Dekretu Governu. Tanba PDHJ haree iha fatin distribuisaun comunidade barak la kumpri regras medidas preventivas ba distansia sosial.

⁹Artigu 18.º DG Nú. 3/2021, 29 Janeiro


¹⁰Artigu 19.º DG Nú. 3/2021, 29 Janeiro

PARTE III – ATIVIDADE PDHJ

PDHJ bazeia ba nia knaar no kompetensia ne'ebé hatur iha Konstituisaun RDTL no Estatutu PDHJ, iha EE-10 ne'e kontinua hala'o atividades hanesan simu kesar, halo monitorizasaun no rekomendasaun.

A. Tratamentu Kesar

PDHJ iha implementasaun EE-10kontinua simu kesar husi comunidade kona-ba violasaun direitus umanus no governsaun diak durante aplikasaun regras EE -10. Dados detallu hatudu iha grafiku 6 hanesan tuir mai:



Iha gráfiku 6 mensiona katak durante implementasaun EE-10, PDHJsimu keiza hamutuk sanulu resin sia (19), keiza ho indisius violasaun governasaun diak maka aumenta ba sanulu resin (12) kompara ho EE-9.Sorin seluk indisius violasaun direitus umanus diminui ba hitu (7), ho ida ne'e hatudu katak bainhira autoridade seguransa halo kontrolu kona-ba kumprimentu comunidade ba regras EE no medidas preventivas COVID-19 laiha agregasaun fizika bainhira comunidade la kumpri regras EE no medidas preventivas COVID-19.Keiza ne'ebé hatu'o mai PDHJ ein jeral hatoo diretamente hamutuk sanulu resin ida (11), enkuantu keiza liu husi karta neen (6). Detallu deskreve iha grafiku 6.

B. Monitorizasaun

Iha Periodu aplikasaun EE-10, PDHJ halo monitorizasaun ba asuntu sira ne'ebé maka regula iha artigu sira maka hanesan: artigu 11.º (*Regras de distanciamento social*), artigu 18.º (*Dever geral de cooperação*) nomós artigu 19.º (*Dever especial de cooperação dos responsáveis regionais, municipais e lideranças comunitárias*).

C. Intervensaun urjente liu husi rekomendasaun espesifika ba entidade sira

Hahu husi EE-1 to'o EE-10, PDHJ halo nafatin rekomendasaun, tratamentu kesar no PDHJ uza nia poder hodi halo mos intervensaun urjente ba entidades públicas sira hodi husu atuasaun ne'ebé respeita ba prinsipiu direitos umanus no governasaun diak. Iha implementasaun EE-10, PDHJ mos halo intervensaun liu husi hato'o relatório nomós enkamiña keixa ba autoridades relevante sira.

Dili, 16 Marsu 2021



Jesuina Maria Ferreira Gomes, MPA

Provedora

PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA

ENTIDADE PÚBLIKA		
	TIPU REKOMENDASAUN	REKOMENDASAUN
Prevensaun – Distansiamentu sosiál		
MTC MS MI	Dezenvolveregulamentu ka Sistemakontrollu	PDHJ iha EE-10 kontinua rekomena ba Governu hodi kontinua fó atensaun sériu atu determina instrusaun klaru ba entidades públicas sira hodi kontinua promove sistema kontrolu iha pontu entrada sira hanesan: fronteira terrestre Mota-Ain, Mota-Masin, Sakato, Oesilo, portu, no aeroportu, no mós kontinua suporta facilidades no ekipamentus nesesáriu ba edifisiu ne'ebé fó atendimentu públiku hodi asegu implementasaun regra prevensaun COVID-19.
MAE Lideransa komunitáriu	Kumprimentu ba regras Estadu Emerjénsia	PDHJ mos kontinua rekomena nafatin ba Governu partikularmente MAE hodi fo nafatin orientasaun klaru ba lider komunitáriu sira hodi kontinua disemina informasaun ba medidas preventivas Covid-19.
MS MI MOP	Dezenvolve regulamentu ka sistema kontrolu no fornese ekipamentus no facilidades	PDHJ rekomendaba Governu espezifika mentemineriurelevantesirahodikriamekanizmuidane'e bébele garante kapasidadehodikontrolapropagasaunmoras COVID-19 iha Timor-Leste ne'ebéihatrasmisaunlokal, no móskontinuareforsainstalasaunekipamentuprevensaun Covid-19, ihapontu entrada sira hanesanportu, aeroportu, fronteira terrestre, merkadu, edifisiupúbliku, no forneseekipamentu no facilidadesapoiuihasentru saúde sira ne'ebéservisuihaliña fronteira, inklufornesemáskara no fasilitabeebatanki sira ne'ebé instala onaiha EE- 1 to'o EE-10. Haree ba número kazu ne'ebé kontinua aumenta, nune'e rekomenda ba Governu atu aumenta fatin izolamentu atu bele akomoda pasiente sira.

Entidade fiscalizadór (MEJD MSSI, MOP...)	Kumprimentu regra EE no instalasaun facilidades	PDHJ kontinua rekomenda ba Governu liuliu ba Ministériu sira ne'ebé iha serbisu kona-ba atendimentu públiku nian (hanesan Ministériu Solidariedade Sosiál no Inklusaun, Ministériu Saúde, Ministériu Obras Públicas no Ministériu Edukasaun, Juventude e Desportu, nst) atu kontinua foinstrusaun espesífika ba entidade pública sira hodi estabelese instalasaun tanke no bee disponivel iha fatin públiku sira, forneshimentu máskara no indika pesoál movel hodi haforsa sistema kontrolu iha fatin instalasaun sira.
MS MAE MSSI	Garante asesu ba rekursu ka fasilidade no mós kumprimentu ba regra medidas preventivas COVID- 19	PDHJ kontinua rekomenda ba Governu hodi fornese ekipamentus ka facilidades ba protesaun hanesan máskara, <i>handsanitizer/alcól</i> ba sidadaun sira liuliu sira ne'ebé kbi'it laek no estudante sira no mós firme nafatin hodi rekomenda ba autoridade pública sira hodi kontinua halo kontrollu no manutensaun ba iha facilidades ne'ebé instala ona tuir padraun hosi organizasaun saúde mundial, no mós kumpri hodi mantein distansiamentu sosiál no evita halibur malu iha grupu.
SECOMS MEJD MS PA-RAEOA	AsesubaInformasaun	PDHJ kontinua nafatin rekomenda ba Governu atu intensifika informasaun iha nível comunidade no uza métodu ne'ebé bele iha impaktu pozitivu muda comunidade nia hahalok atu bele prevenehada'et moras COVID-19 ho susesu. rekomenda mós ba Prezidente Autoridade RAEOA atu iha kompromisu hodi fó instrusaun ba lider komunitáriu sira hodi kontinua disemina regras Estado Emerjénsia relaciona ho medidas preventivas Covid-19 ba comunidade RAEOA.
MS, CIGC, SECOMS,	Respeita direitu privasidade	PDHJ rekomenda ba Governu atu garante katak informasaun kona-ba sidadaun nia identidade iha konfinamentu obrigatóriu bele fó sai de'it bainhira iha autorizasaun ka konsentimentu hosi sidadaun refere.
MAPCOMS	Responsabilizasaun	PDHJ nafatin kontinua rekomenda ba Governu partikularmente ba (<i>Ministério Dos Assuntos Parlamentares E Comunicação Social</i>) hodi kontinua promove koñesimentu hosi responsável mídia ba fatin kuarentena sira kona-ba prinsípiu autorizasaun ka konsentimentu hosi ema privadu nian atu hetan filmajen no fó sai informasaun kona-ba ninia situasaun saúde nian sei depende ba autorizasaun ida-idak nian.
Direitu ba Asisténsia Médika iha Ámbitu Jerál		
PA-RAEOA	Garante asesu ba servisu públiku	PDHJ rekomenda ba Governu, liu-liu autoridade RAEOA, tenke garante funsionamentu ba fasilidade saúde iha pontu entrada sira hanesan portu Kitahara Mahata, fronteira Sakato, no Oesilo, no populasau RAEOA einjerál. PDHJ iha EE-10 rekomenda nafatin ba Governu hodi kontinua melloria servisu

MS no CGC	Hafora kapasidade	eintermus fasilidade kuarentena hodi garante tratamentu dignu, kondisaun di'ak no promove preparasaun hosi autoridade saúde no mós iha orientasaun klaru kona-ba disponibilidade ai-moruk, tratamentu no ai-hán ne'ebé bele garante sidadaun nia saúde durante tempu iha kuarentena. No mós PDHJ rekomenda nafatin iha EE-10 atu Governu planeia hodi sosa materiais prevensaun hodi distribui ba facilidades saúde iha território laran inklui eskola sira nível primária to'o superior.
Direitu ba Ai-han, Moris Adekuadu no Direitu Traballu		
MSSI	Implementasaun efektivu ba atividade/planu	Periodu implementasaun EE-10 PDHJ kontinua rekomenda ba Governu partikularmente ba MSSI hodi garante ajuda umanitária, hanesan ai-hán báziku ba ema vulnerável sira.
Moris la ho Violénsia no Asesu ba Justisa		
MI PNTL	Hafora kapasidade no kuantidade	EE-10 PDHJ reafima nafatin hodi rekomenda tan ba Komandu Jerál PNTL atu kontinua promove koñesimentu PNTL ba nesesidade hodi mantein no hametin aplikasaun prinsipiu polisiamentu komunitáriu, liuhosi kria komunikasaun di'ak ho comunidade no atensaun espesial ba membru comunidade sira ne'ebé vulnerável liu. PDHJ mós kontinua rekomenda nafatin ba Governu espesifikamente Ministeriu Interior atu iha sesaun treinamentu ba ofisiais polisia kona-ba kumprimentu ba leis no kontinua fó instrusaun klaru ba subordinadu bainhira kumpri misaun servisu iha terrenu. Iha EE-10, PDHJ mós komprometidu hodi rekomenda ba (MI) espesialmente PNTL hodi bele aumenta personil UPF iha fronteira hodi garante katak laiha movimentu ilegal. PDHJ mós rekomenda nafatin iha EE-10 ba Ministeriu Saúde hodi kontinua desimina medidas preventivas COVID-19 hodi hasae konxiensia comunidade ho servisuhamutuk MI partikularmente ba PNTL hodi kontinua halo kontrollu ba aplikasaun medidas preventivas COVID-19 ho profesionalidade la ho aktu violasaun direitos umanus.
AsesubaEdukasaun		
MEJD	Dezenvolve regulamentu ka sistema	PDHJ komprometidu iha EE-10 hodi rekomenda ba Governu liuhosi MEJD hodi esforsu atu promove eskola sira-nia kapasidade no mantein dixeplina hosi estudante sira bele kumpri regra medidas preventivas ba COVID-19. Para aleinde ne'e, rekomenda nafatin mós ba MEJD hodi garante katak iha orsamentu disponivel ba iha setor edukasaun hodi sosa materiais prevensaun COVID-19 no fornese fasilidades ba iha kada eskola tantu nível primária to'o nível superior. Iha sorin seluk, PDHJ kontinua rekomenda nafatin ba Ministeriu Edukasaun Juventude Desportu atu mantein oras hanorin (online/prezensial) ba estudante sira iha âmbito pandemia COVID-19.

Atendimentu Públiku		
MS	Garante asesu ba rekursus materiais	PDHJ recomenda ba MS atu kontinua nafatin fó apoiu materiais prevensaun COVID-19 ba sentru saúde, postu saúde no ospital referál sira iha munisípiu hotu hanesan máskara, hand sanitaizer no termu scanner.
SAS	Garante asesu ba bee mos	PDHJ rekomenda nafatin ba Governu atu deenvolve estratéjia ida ne'ebé bele halais asesu ba bee moos ba ema hotu-hotu no garante katak comunidade tomak sei iha asesu ba bee moos atu hatan ba nesesidade uma laran no ijiene. Akresenta mós iha EE-9 ba Governu espesifikamente SAS atu halo planu no prevê orsamentu hodi instala bee moos ba eskola sira, edifisiu públiku iha territóriu laran atu kontribui ba ema moris di'ak no ijiene no indika responsavel espesifiku hodi halo kontrolu ba instalasaun sira ne'ebé estabesidu.

PARTE V - TABELA II. FATIN MONITORIZASAUN

Nu	Suku	Komersiu	Servicos publicos	Funeral	Eventu Desportu	Mercados	Vendedores Ambulantes	Trasporte publiku	Kulturais	Religioso	Via Publica
1	Suku Bahu – Baucau	W-Four Baucau	DNTT - Baucau					Ró Success			Estrada Nunura
2	Suku Buibau - Baucau	Centro Supermerkado – Kampo Alor	EBC Palaban - RAEOA					Bus/Transporte Públiku Nunura			Estrada RAEOA
3	Aldeia Urufu no Hato Rae - Same	Supermerkado W-Four Audian	F-FDTL Tunubibi					Bus/Transporte R			
4	Suku Soba-Baucau	Armajen Lita Store	Servisu Autoridade Munisipiu - Baucau								
5	Suku Tirilolo - Baucau	Lita Store	Sentru Saúde Riamare - Baucau								
6	Suku Holarua - Manufahi	Loja Daya marketing	Pakotemente Produutu local CB - Baucau								
7	Suku Holsa - Maliana	Supermerkadu 8	Sentru Saúde Laga								

8	Suku Taiboko - RAEOA	Loja Roman Star	PNTL - RAEOA								
9		Loja dos Agrikulturas Lisun	ESGP Palaban - RAEOA								
10		W-Four TP	EBF – Tasi Tolu								
11		Merkado Maliana	Sentru Saúde Mota Ain								
12			Postu UPF Fronteira								
13			SEFOPE - DNEE								
14			Portu Kitaharo Mahata- Baucau								
15											